

SCRIPT OF EVENING GOJRI NEWS BULLETIN 1 APRIL 2025

1700HRS

اوننگ گوجری نیوز بولیٹن 1 اپریل 2025

یوہ آکاشوانی جموں ہے عبدالرحمان تے نصرت تیں خبر سُنو۔

HEADLINES

۱۔ وزیر اعظم نریندر مودی تے چلی غا سدر نے نوی دہلی مانہہ اپنی ملاقات غے دوران بات چیت کر غے قدرتی آفات غا انتظام ثقافتی تبادلہ تے انٹارکٹیکا تعاون جیسا اہم معاہداں نانہہ تقویت بخشی ہے۔

۲۔ وزیر اعلیٰ عمر عبداللہ نے اج سرینگر مانہہ خواتین واسطے مخصوص مفت بس سروس غو آغاز کیو۔

۳۔ لیفٹیننٹ گورنر منوج سنہا نے اج شری ماتا ویشنو دیوی جی غا درشن کیا تے ویشنو دیوی شرائین بورڈ نے یاتریاں غی سہولت واسطے بھون مانہہ جدید سمارٹ لاکر متعارف کیا ہیں۔
۴۔ کٹھوعہ مانہہ دیر رات حفاظتی دستاں تے دہشت گرداں بشکار شدید فائرنگ تیں بعد بڑا پیمانہ ور تلاشی مہم جاری ہے۔ ڈی جی پی نلین پر بھات اپریسن غا مقام ور پُجیا۔

۵۔ لیفٹیننٹ جنرل پی کے مشرا نے لیفٹیننٹ جنرل نوین سچدیوا تیں بھارتی فوج غی وائیٹ نائیٹ کور غی کمان سنبھال لی ہے

PM CHILE TALKS

بھارت تے چلی نے اج قدرتی آفات غا انتظام تے ثقافتی تبادلہ بارے معاہدہ ور دستخط کیا ہیں تے نال ہی انٹارکٹیکا تعاون بارے ایک خطہ ادارہ ور وی دستخط کیا ہیں وزیر اعظم نریندر مودی تے چلی غا سدر گیبریل بوریق فونٹ نے نویں دلی مانہہ ملاقات کی جت اُنہاں نے دو طرفہ تعلقات نانہہ مضبوط کرن واسطے نواں اقدامات ور تبادلہ خیال کیو جن مانہہ ایک ممکنہ جامع اقتصادی شرکت داری غو معاہدو وی شامل ہے دواں رہنماواں نے اہم معدنیات خوراک غا تھفٹ ڈیجیٹل بنیادی ٹھانچہ قابل تجدید توانائی تے آبیرویدہ غا شعباں مانہہ تعاون ور وی توجو مرکوز کی اپنی پریس کانفرنس مانہہ وزیر اعظم نریندر مودی نے اس طرح کہیو۔ چلی غا صدر گیبریل بورک فونٹ چلی غا انٹارکٹیکا واسطے ایک گیٹ وے گا طور ور کردار بارے زور دتو تے وزیر اعظم نریندر مودی نانہہ دورہ غی دعوت دتی۔ اُنہاں نے کہیو جے دواں ملکاں نے تحقیقی سمت غا میدان مانہہ ایک تعاون غا معاہدہ ور دستخط کیا ہیں جت بھارت تے چلی انٹارکٹیکا غا حوالہ سنگ مل غے کم کرسکیں۔

CM BUS SERVICE

خواتین غا حقوق غا فروغ غی طرف ایک اہم قدم چاتاں واں وزیر اعلیٰ عمر عبداللہ نے اج ایس کے آئی سی سی سرینگر مانہہ خواتین واسطے مخصوص مفت بس سروس گو آغاز کیو یوہ قدم کلیدی بجٹ اعلانات مانہہ شامل فلاحی اقدامات وچوں ایک ہے۔ جس غو مقصد خواتین واسطے محفوظ تے قابل رسائی سفری سہولیات فراہم کرنو ہے اس سنگ کم کرن آلی کواتین طالبات تے جموں کشمیر غا مسافراں نانہہ فائدو پُجے گو ایس آر ٹی سی تے سمارٹ سٹی بساں مانہہ خواتین واسطے سفر مفت وے گو یہ اقدامات حکومت غی طرفوں کواتین غی سفری سہولیات تے فلاح و بہبود نانہہ بہتر بنان غا عزم سنگ ہم آہنگ ہے۔ اس موقع ور بولتا واں وزیر اعلیٰ

نے اس طرح کہیو جموں خطہ مانہہ نائب وزیر اعلیٰ سریندر چودھری نے خواتین واسطے
مفت بس سروس غو آغاز کیو ہے۔

LG SMVD OBEISANCE

لیفٹیننٹ گورنر منوج سنہا نے اج شری ماتا ویشنو دیوی جی غا درشن کیا تے جموں کشمیر غا
امن خوشحالی تے سب غی بھلائی واسطے دُعا کی۔ شری ماتا ویشنو دیوی شرائین بورڈ گا حکام
غے مطابق چھایترہ نوراترہ غا آگاز تیں ہُن توڑی تقریباً ۱ لکھ یاتری ماتا ویشنو دیوی غا درشن
واسطے آچکا ہیں یاتریاں غی بڑی تعداد غے پیش نظر حفاظتی انتظامات سخت کردتا گیا ہیں
بیس کیمپ تے بھون غا رستہ مانہہ مصنوعی زبانتغے زریعے چلن آلو سی سی ٹی وی کیمرہ
تے ڈرون تعینات کیا گیا ہیں تانجے کسی وی قسم غا ناخوشگور واقعہ نانہہ روکیو جاسکے۔

SMVD LOCKERS

شری ماتا ویشنو دیوی شرائین بورڈ نے یاتریاں غی سہولت واسطے بھون مانہہ جدید سمارٹ
لاکر متعارف کیا ہیں یوہ ڈیجیٹل لاکر یاتریاں غا سامان واسطے محفوظ تے وُسان سٹوریج فراہم
کریں شری ماتا ویشنو دیوی شرائینبورڈ غا سی ای او انشل گرگ نے کہیو یوہ قدم یاتریاں گا
تجربہ نانہہ بہتر بنان غی کوششاں گو ایک حصو ہے۔ تانجے اپنی روحانی یاترا پُر سکون تیں
کرسکیں تے سمان غی فکر نہ وے۔ آکاشوانی غا خبراں آلہ شعبہ سنگ گل کرتا واں ایس ایم وی
ڈی شرائین بورڈ غا سی ای او انشل گرگ نے اس طرح کہیو۔

LG ODISHA DAY

لیفٹیننٹ گورنر منوج سنہا نے اج جموں کشمیر راج بھون مانہہ اوڈیسہ تہاڑا اتکلا دیپاسا غی
تقریب مانہہ شرکت کی اپنا خطاب مانہہ اُنہاں نے اوڈیسہ غی شاندار ثقافتی وراثت نانہہ سہراپو
جس مانہہ ادب فن لطیفہ تعمیر تے روایت شامل ہیں۔ اُنہاں نے اوڈیسہ غی عظیم شخصیات نانہہ
خراج تحسین پیش کیو تے بھارت غی لوک ثقافت کھان غی اشیاء تہوار تے رقص مانہہ اوڈیسہ
غا تعاون غی تعریف کی۔ لیفٹیننٹ گورنر نے اوڈیسہ غی مسلسل ترقی تے بھارت غی ترقی مانہہ
اس غا کردار ورا اعتماد غو اظہار کرتا واں ریاست غی عوام واسطے خوشحالی تے فلاح
وبہبود غی دعا کی۔

KATHUA SEARCHES

کٹھوعہ مانہہ دیر رات حفاظتی دستاں تے دہشت گرداں بشکار شدید فائرنگ تیں بعد بڑاپیمانہ
ور تلاشی مہم جاری ہے یوہ تسادم پنچترتھی علاقہ مانہہ پیش آہو جت حفاظتی دستاں نے
ترے مشتبہ دہشت گرداں غو سامنو کیو جس غا نتیجہ مانہہ زبردست گولی باری ہوئی جموں
کشمیر پولیس غا ڈائریکٹر جنرل نلین پرہیات اُئی جی پی بھیم سین توٹی سمیت اعلیٰ افسر
کٹھوعہ اوپریشن غا مقام ورا پُجیا تے جاری تلاشی مہم غی نگرانی کر رہیا ہیں۔ اس مہم مانہہ
بیلی کیپر ڈرون سراغ رساں گُتا تے بھاری ہتھیاراں تیں لیس کمانڈو شامل ہیں۔ آپریشن اجیں
وی جاری ہے تے مزید تفصیلات غو انتظار ہے۔

WHITE KNIGHT CORPS COMMAND

لیفٹیننٹ جنرل پی کے مشرا نے لیفٹیننٹ جنرل نوین سچدیوا تیں بھارتی فوج غی وائیٹ نائیٹ
کور غی کمان سنبھال لی ہے۔ پی آر او ڈیفنس جموں گی جانب تیں ایک سماجی میڈیا پوسٹ ورا

دسیو گئو کہ لیفٹیننٹ جنرل مشرا نے تمام افسراں تے جواناں تیں خطاب کرتا واں اُنہاں نانہ
اعلیٰ ترین پیشہ ورانہ معیار برقرار رکھن تے خطہ مانہ حفاظت تے استحکام نانہ یقینی بنان
واسطے محنت کرن غی ہدایت کی۔ کارپس غا اہم کردار نانہ اُجاگر کرتا واں اُنہاں نے خطہ
مانہ امن نانہ فروغ دین غی اہمیت ور زور دتو تے ہر مقابلہ غو خلوص تے عزم غے نال
سامنو کرن غی تلقین کی۔

GOC LG MEET

فوج غی رانزنگ سٹار کور غا جنرل آفیسر کمانڈنگ جی او سی لیفٹیننٹ جنرل راجن شراوت نے
اج لیفٹیننٹ گورنر منوج سنہا سنگ ملاقات کی تانجے خطہ غی موجودہ حفاظتی صورتحال گا
بکھ بکھ اہم پہلواں ور تبادلہ خیال کیو جاسکے۔ اس ملاقات مانہ اہم سلامتی خدشات تے خطہ
مانہ امن واستحکام نانہ مضبوط بنان غی حکمت عملیاں ور گفتگو کی گئی۔ لیفٹیننٹ جنرل
شراوت غے سنگ ٹائیگر ڈویژن غا جی او سی میجر جنرل مکیش بھنوالہ وی موجود تھا یاہ
ملاقات حفاظتی دستاں غے انتظامیہ غے بشکار ہم آہنگی نانہ فروغ دین واسطے منعقد کی گئی
تھی۔ تانجے اُبھرتا واہ مسائل سنگ موثر طریقہ نال نپٹو جاسکے۔

VOLLY BALL TRIBUTE

شہید انسپکٹر دیپک شر ما نانہ خراج عقیدت پیش کرن واسطے ادھمپور مانہ اج ترے روزہ
والی بھال ٹورنامینٹ گو آغاز کیو گئو اس تقریب غو انعقاد جموں کشمیر پولیس غی طرفوں
جے کے والی بال ایسوسی ایشن غ اشتراق سنگ کیو گئو جس مانہ انسپکٹر شرما غی عظیم قربانی
نانہ عزت سنگ یاد کیو گئو جہیزہ کہ پچھلے سال کٹھوعہ مانہ شہید ہوا تھا۔ افتتاحی تقریب
مانہ اُن گا اہل خانہ سنئیر افسراں بشمول ڈی آئی جی رئیس احمد بھٹ تے ایس ایس پی اموڑ
اشوق ناگپورے نے شرکت کی اس ٹورنامینٹ غو مقصد پولیس حفاظتی دستاں تے مقامی
برادری غے بشکار ہم آہنگی نانہ فروغ دینو ہے۔ جدکہ انسپکٹر دیپک شرما غی بہادری تے قوم
واسطے اُن غی قربانی نانہ یاد رکھنو وی اس گو ایک اہم پہلو ہے اس موقع ور بولتا واں ایس
ایس پی امود اشوق ناگپورے نے اس طرح کہیو۔
